

中國方志叢書·華中地方·第四六七號

據 永樂大典本 影印

江蘇省

# 南京



577/106  
991157

成文出版社有限公司印行



\*10098009\*

中華民國七十二年三月臺一版

南 京

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

永樂大典卷之七千七百一

十九庚

京

地理通釋

南京

地理通釋唐肅宗實錄至德二年改蜀郡為南京以荊州為南都州曰江陵府其有師尤為南京其後為蜀郡南京應天府開

伯所居商丘周為宋國漢為梁國隋唐為宋州太祖以歸德軍節度使即位定有天下之號曰宋景德三年升應天府祥符七年升南京正統曰昇德高宗即位于此宋會要真宗景德三年二月詔曰惟陽與區平壹舊漢兩漢之盛並建於咸藩五代以還存升於前制地望雄於征鎮疆理接於神州實都畿近輔之邦乃帝業肇基之地恭惟聖祖誕慶鴻圖爰於歷試之初恭頌元戎之奇誕詔所集符命存臻殆茲累朝俯同列郡式昭茂烈宜錫崇名用彰神武之功且表興王之盛宜升為應天府宋城縣為次亦寧陵楚丘柘城下邑教熟虞城等縣並為次畿大中祥符七年正月二十九日詔曰惟水名區實一方之都會商丘與梁為三代之舊邦形勢表於山河忠烈存於風俗惟文祖之歷試蓋王命之初基今者仲欵謁於楹庭

牛會安

燕翼考

夏文莊公集

既揚茂則徇後來於竹苑方需湛恩期克壯帝猷俾肇所京邑用志與王之  
地允符追孝之心應天府宜升為南京正殿以歸德為名咨爾都民承  
予世德慶靈所佑感悅良多二月一日詔名南京門曰崇禮雙門曰祥輝  
外西門曰迴鑿三日以主客郎中知應天府馬元方兼南京留守司事合  
置官屬名目下審官院流內銓一如西京之式三月十三日詔名南京城  
大東門曰昭仁小東門曰延和小西門曰順成北門曰靖安新陽門曰承  
慶仁宗慶曆五年九月十八日置南京留司御史臺燕翼詒謀真宗皇帝  
東封西祀思顯先烈大中祥符七年正月乙卯詔升應天府為南京建行  
宮正殿以歸德為名以聖祖殿為鴻慶宮奉太祖太宗像侍立於聖祖之  
旁其後遂開高宗皇帝中興之祥殆非偶然者宋史列傳朱勝非靖康元  
年為東道副總管權應天府金人攻城勝非逃去會揚進破敵復還視事  
踰年詣濟州謁康王言南京為藝祖興王之地請幸之以圖大計王即位  
南京建炎改元夏文莊公集乞修南京內狀右臣伏覩大中祥符七年  
二月一日赦勅節文應天府升為南京正殿以歸德為名臣到職後躬詣  
大內謹視完齋其正南內門上有先朝題其榜曰重熙頌慶之門樓皆損  
動其下只是依舊雙門未變列郡之制雖有兩觀堆堞又無朵樓內城之

中並無歸德之殿但是顏垣茂草內有真宗皇帝御製御書南京顏驛詩碑石一片小屋遮蔽未曾建立其東北隅小亭子一座內有先皇御製御書驛詩四首粉版門牆不嚴塵埃所間臣職在居守理合奏陳者伏以周丘仰當大火寶勢形勝佳氣鬱蔥藝祖肇基之邦聖朝根本之地發祥薦祉應天順人由七十里而與天乙是資於景毫崇三十世之王文昌始大於岐周用建名都寔陪上國與中天而對峙企洛宅以相望至于官局解居咸從改革而乃闕廷宮掖悉未繕修漢啓南陽之都唐重北門之館並資壯麗以示威神况茂陵之餘烈方宣真廟之鳴鑾未遠必欲仰模太紫上憲俯隄備九寢之儀敵千門之式慮煩力役或有費財征臣今乞依先朝勅旨只創歸德一殿安驛驛詩版又以宮室之儀門闕爲重猶取諸侯之制未成王者之都欲乞於南端闢正門三闕東西增朵樓二座所費它工至鮮不日可成仍乞選差八作司臣寮將帶工匠到此計度却於東京木場事造材植繫檝浮汴赴當京修蓋伏望聖慈特賜開可所貴官闕之度稍合於彝章祖始之基益隆於景命有光鴻祚永膺皇圖歐陽公集南京謝上表 皇祐二年七月 臣某言伏蒙聖恩就差臣知應天府兼南京留守司事臣已於今月二十四日赴上訖者守宮鑰之謹嚴敢忘夙夜

梅聖俞死  
陵集

虞儔專白  
堂集  
許綸詩

洪适盤洲  
集

布政條之纖悉上副恩憂寄任非堪統營並集臣某中謝伏念臣賦才庸  
薄稟數奇也設譽交與兩省過實寵榮踰分動輒招尤念報效之未伸敢  
不竭忠而盡瘁困風波之可畏則思遠去以深旅迨此六年外更三守學  
偷安而杜口負素志以塊心巧質易衰已凋零於齒髮良特難得尚希恭  
於功名豈謂皇慈未捐舊物擢從支邵委以名都惟此列京舊當孔道薄  
領少勤於職事厨傳取悅於路人苟循俗吏之所為難能免過非有古人  
之大節未足報君梅聖俞死陵集送王宗說寺丞歸南京 晏歲欲飛雪  
滿天舍凍寒犯寒單騎速獵吹紫裘薰庭鵲還先喜池鴻去始聞公應問  
貧賤善說莫如君 送韓簽判王汝選南京詩賀太極表天子甘泉祀歡  
聲決九圍綠章馳騎入朱服佩魚歸賦雪上賓席買紫更舞衣清池無限  
鴈莫道信音稀虞儔專白堂集過南京 三蘇當日振英華下榻相看意  
已佳太息樂全無復見舊廬聞屬女真家許綸詩宿南京詩賀有戎兵  
二十人不成城下林虛說胡屯五萬兵淒涼無復舊南京中天王氣終當  
復千古封疆只宋城洪适盤洲集次韻南京道中 密葉成陰行路寬  
鳴鶯轉足開顏半金泥滑夜來雨數片雲飛何處山薄暮每尋樽俎共殘  
春能伴神龍還塵襟好濯西湖水偷取禪房一日閑 送劉元忠學士還

南京 昔見相公登瀛洲今見公子為校讎  
 鯤鵬變化三十載我生安得不白頭  
 君前拜恩父前慶暫向南都乘順流  
 南都留守頗為喜將吏入質靴  
 聳道酒并銀篋羊鬻炙上下和煦移涼秋  
 歸來却上柳堤路西風健馬控花虬  
 曾丰詩送孫莘老移知南京 稚年曾未覩  
 風標瀚海初聞捷俊髦國子先生曾並席  
 曾在明先生講下蓬萊學士看揮毫  
 量涵萬頃滄溟濶氣吐千尋太華高  
 達性妙思窮孔孟公有十達達性是其一也  
 指南餘藻屈雄褒爾雅之指狂談經落落鑑  
 適輝作五講飛步僊僊踏海壖賦館賦忠力  
 敢前輕履毛剛勝一决快吹毛歸來有意成  
 陶賦謫去無言吊楚騷志不下人寧碌碌特  
 非知我但鷲鷲吳江春水尋幽寺知湖州  
 越嶺秋風聽怒濤如福州宣室鬼神靈語斷  
 長安鐘鼓夢思勞廣陵南隔迷桑梓泗水東  
 來照節旄如徐州威憐四隅消警吠惠流比  
 屋樂耕課真仙應祝通特澤朽骨平寬息  
 夜號蕭洒幅巾忘夢覺清涼丈室突燠膏淮  
 陽大節孤尤峻吏部雄材貌更豪溫使執經稱  
 弟子虛煩解榻下功曹曾迷馬祖山前  
 侯煩悟莘莘水底萬細扎忽聞更屏翰  
 高才俄見列弓刀照回天寸今方悟怒拂  
 龍顏昔未遭屈指陪京非久駐太平功業  
 待伊舉遷史南京新津府本古冀州之地  
 高陽氏謂之幽陵陶唐曰幽都有虞析為  
 幽州

永樂大典卷七千七百一

三

尚併幽於冀。周分并為幽。職方東北幽州。山鎮醫巫閭。澤藪獫狁。川河淨  
 浸。蓄特其利。魚鹽其畜。馬牛豕。其枝黍稻。武王封太保奭于燕。泰以其地  
 為燕。歸上谷。右北平。遼西。東五郡。漢為燕國。歷封臧荼。盧綰。劉建。劉暉。劉  
 且。常置涿郡。廣陽國。後漢為廣平國。廣陽郡。或合于上谷。復置幽州。後周  
 置燕。及范陽郡。隋為幽州。總管。唐置大都督府。改范陽節度使。安祿山火  
 思明。李懷仙。朱滔。劉怱。劉濟。相繼割據。劉總歸唐。至張仲武。張允。仲以上  
 得氏。劉仁恭。父子。借手遂入五代。自唐而晉。高祖以遼有援力之勞。割幽  
 州等十六年以獻。太宗升為南京。又曰燕京。城方三十六里。崇三丈。衛廣  
 一丈五尺。敵樓戰櫓具八門。東曰安東。迎香。南曰開陽。丹鳳。西曰顯西。清  
 晉北曰通天。拱辰。大內在西南隅。皇城內有景宗。聖宗。御容殿二。東曰宣  
 和。南曰大內。內門曰宣教。改元。和。外三門曰南端。左掖。右掖。改萬春。  
 右掖改千秋。門有棧閣。毬場在其南。東為永平館。皇城西門曰顯西。設而  
 不開。北曰子北。西城頗有涼殿。東北隅有燕角樓。坊市廨舍寺觀。蓋不勝  
 書。其外有各廂松亭。榆林之闕。古北之口。桑乾河。高粱河。石子河。大安山。  
 燕山中。有瑤興府。曰幽都。軍號盧龍。開泰元年。落年額。統州六縣十一。兵  
 衛志。南京。析津府。統縣十。轄軍府州城九。有丁五十六萬六千。全史地理。



志南京路國初曰汴京貞元元年更號南京府三領節鎮三防禦八刺史  
郡八縣一百五都城門十四曰開陽曰宣仁曰安利曰平化曰道遠曰宜  
照曰利川曰崇德曰迎秋曰廣澤曰順義曰迎朔曰順常曰廣智宮城門  
南外門曰南薰南薰北新城門曰聖丘橋曰龍津橋北門曰丹鳳其門三  
丹鳳北曰舟橋橋少北曰文武樓遵御路而北橫街也東曰太廟西曰郊  
社正北曰承天門其門五雙闕前引東曰登聞檢院西曰登聞鼓院檢院  
東曰左掖門門南曰待漏院鼓院西曰右掖門門南曰都堂直承天門北  
曰大慶門門東曰日精門又東曰左昇平門大慶門西曰月華門又西曰  
右昇平門正殿曰大慶殿前有龍墀又南有丹墀又南曰少墀東廡曰嘉  
福樓西廡曰嘉瑞樓大慶後曰德儀殿殿東曰左昇龍門西曰右昇龍門  
正門曰隆德內有隆德殿有蕭牆有丹墀隆德殿左曰東上閣門右曰西  
上閣門皆南向鼓樓在東鍾樓在西隆德之次曰仁安門仁安殿東則內  
侍局又東曰近侍局又東則嚴祗門宮中則稱曰撒合門少南曰東掖則  
授除樓也西曰西掖仁安之次曰純和殿正寢也純和西曰雪香亭亭北  
則后妃位也有樓樓西曰瓊香亭亭西曰涼位有樓樓北少西曰玉清殿  
純和之次曰福寧殿殿後曰苑門內曰仁智殿有二太胡石左曰敦錫神

運萬歲華右曰玉京獨秀太平巖殿曰山莊其西南曰翠微閣苑門東曰  
 倦韶院院北曰華峯峯之洞曰大滌湧翠東連長生殿又東曰湧金殿又  
 東曰蓬萊殿長生西曰浮玉殿又西曰瀛洲殿長生殿南曰闕武殿又南  
 曰內掖庫殿祗門東曰尚食局又東曰宣徽院院北曰御藥院又北右掖  
 庫東則左掖庫宣徽院東曰點檢司司北曰秘書監又北曰學士院又北  
 曰諫院又北曰武器署點檢司南曰儀鸞局又南曰尚輦局宣徽院南曰  
 拱衛司又南曰尚衣局其南為紫禧門又南曰安泰門門與左昇龍門相  
 直東則壽聖宮兩宮太后位也本明俊殿試進士之所宮北曰徽音院又  
 北曰燕壽殿殿坦後少西曰振肅衛司東曰中衛尉司儀鸞局東曰小東  
 華門更漏在馬中衛尉司東曰祗肅門少東南曰將軍司徽音壽聖東曰  
 太后苑苑殿曰慶春與燕壽殿並小東華門與正東華門對東華門內正北  
 尚廐局其西北曰臨武殿左掖門北尚食局南曰宮苑司其西北尚履局  
 湯藥局侍儀司少西曰符寶局器物局又西則撒合門也嘉瑞樓西曰三  
 廟正殿曰德昌東曰文昭西曰光興德昌後宣宗廟也宮西門曰西華與  
 東華相直北門曰安貞洪武志輿地志云鍾山古金陵山也縣邑之名由  
 此而立建康寶錄云楚威王築城石頭置邑以其地接華陽金壇之陵故

號金陵於天文其星斗牛其次星紀秦始皇三十六年以金陵為鄣郡治  
故鄣三十七年東遊還過吳從江乘渡望氣者言五百年後金陵有天子  
氣因鑿鍾阜斷金陵長隴以通流至今呼為秦淮乃改金陵邑為秣陵縣  
諸葛亮所謂鍾山龍盤石城虎踞真帝王之宅漢承三代舊制置揚州統  
丹陽邵所領縣邑有今浙西浙東二道及浙東道之半吳晉宋齊梁陳代  
加分割隋立蔣州唐以隸潤州又改昇州管屬始隘於舊南唐建金陵府  
縣邑猶更屬不常宋初為江寧府改建康府始定有江寧上元句容溧水  
溧陽之地東西二百三十五里南北四百六十里東抵鎮江東南抵常州南  
抵寧國西南抵太平西抵和州西北抵真州以大江中流為界  
本朝應運肇基應天府實星紀斗牛之分且與三統之正相協自周以來數  
十年間

帝王之運通符於今豈非曆數耶應天府志府境古揚州之域周顯王特越  
滅吳置金陵邑秦改為秣陵縣漢為丹陽郡地建安十七年改秣陵曰建  
業三國吳建都于此晉永嘉元年琅邪王睿鎮建業建興初避愍帝諱改  
建康元帝建都于此宋齊梁陳皆因之號京華神阜隋平陳置蔣州治石  
頭唐為揚州又改江寧又改昇州吳改金陵府南唐建都于此以為西都

昇州江寧府宋為江寧府高宗建炎二年改曰建康府紹興二年以府治為行宮號行都元至元十二年開行中書省後改建康路天曆二年以文

宗儲邸改曰集慶

大明丙申年改應天府洪武元年立南京北京詔曰奉

天承運

皇帝詔曰朕建邦基以成大業興王之根本為先居中夏而治四方立國之規模至重自趙宋末世夷狄入主中國今百有餘載其運乃終羣雄紛爭未見有定于一者民遭塗炭亦已極矣朕以布衣當撥攘之際披身戎伍率

衆渡江

天地眷佑

祖宗積德臣下宣忠三軍用命西平陳友諒東滅張士誠南靖閩廣北有中原武功大集混一之勢已成十七年間糧儲軍須百物料徵頻煩尤甚民無休息者皆江左一方受供給之繁遂致天下收平寧之效民初有助於朕其可忘乎頃幸大梁詢及父老皆曰昔聖人居中國而治四夷天下咸服朕觀中原土壤四方朝貢道里通均父老之言乃合朕志可不從乎然立國之規模固大而興王之根本不輕以金陵大梁為南北京朕亦春秋往

洪武京城圖志

來巡狩駐守播告爾民使知朕意至於立

宗社建宮室定朝市南京既以創置矣北京其令有司次第舉行於戲江左開

基立四海永清之本中原圖治廣一視同仁之心故茲昭示想宜知悉

洪武京城圖志春坊贊善王俊華圖志序 天地定位山川啓奧區之秘

宅中考卜河嶽壯金湯之固况乎神宰聖壤其所蓄也深則其待於今也大

聖人應期啓運故天發其藏地闢其會而體國經野之制固有以軼靈錫而跨

兩京者矣金陵控扼吳楚天整繚其西北連山拱其東南而龍蟠虎踞之

勢昔人之言蓋不誣也孫吳始創居之六朝南唐雜代有其地然而疆域

之廣未極其盛者意者天之所兆正有資於今日以啓一代王業之隆也

歟歲壬辰癸巳間天厭元德群雄並起

皇上龍興淮甸天戈南指吳越首入版圖乃默與神謀即定都于是辯方正位

立洪基造丕圖而郊鄒之肅以定山若增而高水若增而深回抱環合獻

奇貢異而蒙光佳氣與斗牛星紀並麗乎太微帝車之問何其偉耶樹本

既固乃命將出師披山東下河南拔潼關而守之遂北推幽燕西臨汾晉

入陝右盡有秦隴之地凡元之餘燼皆來請命于庭故交廣之墟羌焚之

聚椎結丹棠之區山梯海航咸奉琛致貢方軌畢至而京師之壯增解崇  
麗輪蹄交集絲管喧競歲時士女填郭隘邪其宏盛氣象度越今古豈區  
區偏方閭位之可擬擬哉雖然

皇上經營締構蓋已極其盛矣然而迨方遠裔未覩其勝無以知

聖謨經綸之至交詔禮曹命畫者貌以爲圖毫分縷折街衢巷隧之列橋道亭  
臺之苑名賢祠室之嚴邃王侯第宅之華好呈陳基布地有顯晦而沿革  
不同名有古今而表著無異凡所以大一統之規模者可以一覽而盡得  
之矣圖成并致請梓且摹之以徧示四方使天下之人足跡未嘗一至者  
皆得親其勝槩亦若閩和鑿之音望蜀車之塵於鈞陳豹尾間也大矣哉  
皇上之英謀偉略何其深且至耶且俊筆遺際

明時庇職春坊謹拜手稽首而言曰自古聖帝明王之有天下也若夏殷  
之禪繼周漢之龍興唐宋之紹承莫不奮自西北涂起而有中土然後始  
得而制東南耳

皇上不階尺土乃以吳越之疆席卷中夏冰天丹徼之域雕題金齒斷髮文身  
之屬莫不重譯而至嘉禾靈草諸福之物史不絕書  
天命之所係屬如是夫湛恩厚德亘千萬年

聖子神孫承繼繼以保此無窮之基覽是圖首其尚有考於斯焉 又序詹事府坐杜澤

聖人代天理物為億兆之君師定天下之大業宅形勝之都邑不偶然也如克舜禹都冀成湯居商周都堂錫洛邑漢唐關中有宋居汴是皆統一海內以安黎庶此可見天降聖人有造設默定之意焉欽惟

皇上當元綱糾紐之際

上天更運之特應天順人特起中夏定都江左四征弗庭勝兵西上陳虜殲滅揚旗姑蘇張氏面縛天兵北討中原以清掃腥羶於幽荆殄么麼於蜀都群孽盡消京畿已固所謂大明當天而燭火熄也伏惟

皇上神聖聰明深謀遠略建泰山不拔之基為萬世無窮之計詳內略外經營邑都其龍蟠虎踞之勢長江衛護之雄群山拱翼之嚴此天地之所造設也若乃紫微臨

金闕煌煌黃道分玉街坦坦城郭延袤市衢有條六卿居左經緯以文五府處西鎮靜以武如十廟以祀忠烈十樓以待嘉賓此

皇上之所經制也以此觀之京師天下之本萬邦輻輳重譯來庭四海之所依歸萬民之所取正非遠代七朝偏據一方之可侔也

皇上萬幾之暇命工繪圖昭示天下且叨近侍之列仰瞻

天日之光幸覩斯圖不勝感戴一披而金陵形勝了然心目之間非若前代所

觀徒有其名而莫能考其實也嗚呼盛矣哉因拜手稽首繫之以詩曰地

闕天開金陵大哉帝居允諧鍾山巍巍

聖德光輝奄有九圍大江滔滔

聖德深高地載天包鍾山蒼蒼大江洋洋

聖德隆昌自西自東朔南承風車書混同天命諄諄

聖子神孫萬萬年春愚且拜手

聖皇萬壽天

長地久



原  
闕